



Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

De presbyteris qui soli Missas solent celebrare. lxxiiii.

urn:nbn:de:hbz:466:1-10722

De presbyteris qui soli Missas solent celebrare.

Caput LXXIIII.

Hoc quoque statutum est, ut nullus presbyterorum *Ex eodē,*
Missarum solennia celebrare præsumat, nisi duobus *cap. 10.*
præsentibus sibiique respondentibus ipse tertius habeat-
tur: quia quum pluraliter ab eo dicitur: Dominus vobiscū,
& illud in secretis: Orate pro me, aptissimè conuenit, ut
& ipsius respondeatur salutationi.

*De illis qui coniugati presbyteri oblationes spre-
uerint. Cap. LXXV.*

Si quis decernit presbyterum coniugatum tanquam oc- *Ex cōcil.*
casione nuptiarum quod offerre non debeat, & ab eius *Agathē.*
oblatione ideo se abstinet, anathema sit. *cap. 8.*

*Ut presbyteri communicent quotiescunque Missas
celebrauerint. Cap. LXXVI.*

Dictum est nobis, quod quidam presbyteri celebrata *Ex cōcil.*
Missa detrectantes ipsi sumere diuina mysteria qua *Rotoma.*
consecrarent, calicem domini mulierculis quae ad Missas *cap. 2.*
offerunt tradant, vel quibusdam laicis qui diiudicare cor-
pus domini nesciunt, id est, discernere inter cibum spiri-
talem atque carnalem. Quod quantum sit omni Ecclesiastica
religioni contrarium, pietas fidelium nouit. Vnde
omnibus presbyteris interdicimus, ut nullus in posterum
hoc facere præsumat: sed ipse cum reverentia sumat, &
diacono aut subdiacono qui ministri sunt altaris colligē-
dat tradat. Illud etiam attendat, ut eos propria manu com-
municet. Nulli autem laico aut fœminæ Eucharistiam in
manibus ponat, sed tantum in os eius cum his verbis po-
nat: Corpus domini & sanguis, profit tibi ad remissionem
peccatorū, & ad vitam aeternam. Si quis hæc transgressus
fuerit, quia Deum omnipotentem contemnit, & quantum
in ipso est in honore, ab altari remoueatur.

De eadem re. Cap. LXXVII.

Praetexta autem consecratione omnes communicent *Ex epist.*
qui noluerint ecclesiasticis carere liminibus. Sic enim *Anacleti*
& apostoli statuerunt, & sancta Romana tenet Ecclesia. *papæ,*
Et si hoc neglexerint, degradentur. *cap. 12.*